



BASES REGULADORAS DA CONCESIÓN DUNHA AUTORIZACIÓN PARA A INSTALACIÓN DUN SERVIZO DE BAR CON VENDA DE BEBIDA, COMIDA E CASTAÑAS, NA CARPA MUNICIPAL SITUADA NA RÚA XACEDOS EN COSTA MIÑO CO GALLO DO HALLOWEEN 2025 DO CONCELLO DE MIÑO

1.- As presentes bases teñen por obxecto regular a concesión dunha autorización para a instalación dun servizo de bar con venda de bebida, comida e castañas na carpa situada no aparcadoiro público da rúa Xacedos de Costa Miño co gallo do Halloween 2025 do Concello de Miño.

2.- As persoas físicas ou xurídicas que obten á convocatoria, deberán desenvolver actividades propias do seu obxecto social ao longo de todo o ano, non restrinxíndose a súa presenza á actividade para este evento do Halloween. Para resultar adxudicatarias, as entidades deberán acharse ao corrente no cumprimento das obrigacións tributarias estatais, autonómicas e co Concello de Miño así como cos pagos á Seguridade Social.

3.- A instalación do servizo de bar con venda de bebida, comida e castañas será por conta das persoas físicas ou xurídicas solicitantes asumindo por tanto os seus custos de aluguer, instalación, montaxe e desmontaxe. Non poderán realizarse ancoraxes das instalacións que supoñan perforacións no chan. Deberán respectarse en todo caso, as zonas de acceso e de paso do público.

4.- Para o Halloween Costa Miño 2025, a montaxe das instalacións non poderá iniciarse antes do día 29 de outubro de 2025 e a desmontaxe non poderá iniciarse antes do día 31 de outubro de 2025 debendo quedar finalizado o día 3 de novembro do 2025.

5.- O servizo de bar con venda de bebida, comida e castañas deberá manterse en perfectas condicións, con rigorosa atención ás medidas hixiénicas e de aseo persoal. Coidarase a perfecta presentación e condicións sanitarias das mercadorías.

Xa que no servizo de bar, haberá venda de alimentos, deberá haber polo menos unha persoa responsable de manipulación de alimentos en posesión de certificación de formación en manipulación de alimentos, estando en todo momento con presenza



física no establecemento e exhibir dita certificación en lugar visible. Os vasos, pratos, cubertos, etc., que se utilicen serán de materiais desbotables.

Os lixos serán depositados nun lugar retirado e o máis illado posible das zonas nas que se manipulen alimentos e bebidas. Dispoñerán de colectores de lixo suficientes co fin de manter en bo estado de limpeza a zona circundante á instalación.

6.- A persoa física ou xurídica titular da concesión da autorización deberá responder dos danos ao dominio público municipal posto a disposición polo Concello de Miño para o desenvolvemento destas actividades. O titular da concesión da autorización, deberá cumprir a lexislación vixente en materia laboral e de seguridade social, que serán da súa conta e sen que teña o Concello de Miño responsabilidade algunha nin nexo de unión coas persoas que atendan a concesión obxecto de esta contratación.

7.- O titular da concesión da autorización deberá expoñer o listado de artigos e prezos de venda. Ademais deberá cumprir co sinalado na Lei 11/2010, do 17 de decembro, de prevención do consumo de bebidas alcohólicas en menores de idade; no Decreto 88/2014, do 3 de xullo, polo que se regula o sistema de substitución de sancións impostas por incumprimento da Lei 11/2010, do 17 de decembro, de prevención do consumo de bebidas alcohólicas en menores de idade e establécense os criterios básicos dos programas preventivos que dela derívanse; no Decreto 126/2012, do 24 de maio, polo que se establece e regula o sistema de información sobre o consumo de bebidas alcohólicas en menores; e na Orde do 1 de marzo de 2012 pola que se regula a sinalización das limitacións no consumo, venda e subministración de bebidas alcohólicas en locais comerciais de Galicia.

8.- O titular da concesión da autorización contará con seguro de Responsabilidade Civil en vigor que cubra as posibles reclamacións derivadas da actividade desenvolta durante o Halloween Costa Miño 2025, incluíndo a responsabilidade derivada de produtos e intoxicación alimentaria de ser o caso, para todo o período autorizado, incluíndo como tal os períodos de montaxe, actividade e desmonte.

9.- As persoas físicas ou xurídicas interesadas en obter a concesión de autorización para a instalación dun servizo de bar con venda de bebida, comida e castañas, na



celebración do Halloween Costa Miño de 2025, deberán presentar as súas solicitudes de maneira presencial no Rexistro Xeral do Concello de Miño en horario de 9:00 a 14:00 horas, ata o 28 de outubro de 2025 acompañando a documentación que se indica no Anexo I das presentes bases.

A oferta económica partirá dun canon de 250,00 euros (a mellorar).

Será condición necesaria para a aceptación da solicitude a presentación da documentación do Anexo I e os mesmos se axusten aos requisitos establecidos nestas bases.

10.- O prazo para a presentación de solicitudes permanecerá aberto dende o día 27 de outubro ao 28 de outubro de 2025.

11.- Unha vez finalizado o prazo de presentación, procederase en acto público á adxudicación da autorización prevista segundo a oferta económica máis vantaxosa presentada.

12.- Quen non obteña a autorización pasará a integrar unha lista de agarda, por orde decrecente da oferta económica presentada, para os efectos de chamamento para a suplencia, no suposto de que a persoa autorizada renuncie ao seu dereito con anterioridade á data do evento ou por causas de revogación.

13.- Unha vez concedida a autorización, deberase aboar o canon proposto antes do 31 de outubro do 2025, en calquera dos seguintes números de conta:

ABANCA - ES63 - 2080 - 0087 - 72 - 3110000015

BBVA - ES84 - 0182 - 4300 - 74 - 0000000041

SANTANDER - ES41 - 0049 - 2950 - 38 - 1010038930

LA CAIXA - ES06 - 2100 - 6309 - 98 - 0200000446

14.- Será causa de revogación automática, sen necesidade de previo requirimento, da autorización a falta de ingreso do canón ofertado, no prazo sinalado no apartado anterior.



15.- A autorización para a instalación do servizo de bar con venda de bebida, comida e castañas, será para o día 31 de outubro de 2025 en horario de 16:00 ata o día 1 de novembro ás 00:30 horas.

16.- Das presentes bases publicarase un anuncio no Taboleiro de anuncios da sede electrónica do Concello de Miño e no Taboleiro de anuncios do Concello de Miño.

Miño, na data que figura na marxe.

O alcalde
P.D.Resol. 571 (21/06/2023)
A Concelleira da Área de Educación, Cultura,
Comunicación, Transparencia e Igualdade.

María Catalina Morado Fariña.